

**Protocol no. 88****Sezzüda da lündeschi, als 20 schner 2014 20.00 - 22.15**

**Preschaints:** Albert Mayer, Andri Poo, Men Caviezel, Dumeng Jann, Marianne Werro-Lehmann e Marco Fallet (protocol)

**Protocol**

Il protocol no. 87 da la sezzüda da gövgia, als, 9 schner 2014 vain approvà.

**789 940****FITS****Chamonnas cumünalas / surdatta da las fittanzas pel 2014**

Il schef dal dicasteri, Men Caviezel, suottametta la fatschenda. Las dumondas chi sun entradas as basan in möd analog a quellas dal 2013. Il cussagl stricha però da la glista ün'annuzcha d'üna persuna chi nun ha il domicil in nos cumün.

Dal rest decid'il cussagl da conceder las fittanzas pel 2014 seguond lur entradas.

**790****DIVERSAS SCHEFS****Pagina d'internet dal cumün / publicaziun d'abitaziuns da vacanzas**

Marianne Werro orientescha cha las glistas publichadas cun abitaziuns da vacanzas cuntegnan divers sbagls e ston gnir adattadas ed actualisadas. Invezza da consultar a mincha tangà per tour avant mutaziuns as demuossa quai plü simpel da plazzar nouv tuot las sportas. Uschè ais previs d'infuormar lasupra e da dar l'ocasiun per actualisar la situaziun a mincha possessur via Mas-chalch. Cun quai va il cussagl d'accord.

**Publicaziun pella piazza «pedel chasa da scoula» / annunzchas entradas**

Andri Poo manzuna, cha'l termin saja scadü e chi sajan entradas 5 annunzchas. La gruppa chi s'occupa da la valütaziun in detagl e dals discuors as cumpuona da: Andri Poo, Marianne Werro, Jon Cantieni, Christian Poo ed ün rapreschantant davart da la magistraglia.

**Servezzan forestal / silvicultur Mario Riatsch**

Men Caviezel orientescha sur d'ün cuors cha'l silvicultur, M. Riatsch, prevezza da frequentar. l's tratta d'üna scoulaziun sco «Bergwaldmanager» cun certificat e quai sco segua:

11 – 13 favrer 2014 / 5 – 6 mai 2014 e dals 17 – 18 settember 2014. Il cussagl va d'accord in fatschenda. Our da la discussiun resulta chi dess gnir intimà eir als oters impiegats forestals d'as scoular inavant e da frequentar cuors.

**791****ORIENTAZIUNS****Revisiun da la planisaziun cumünala**

Il schef da planisaziun, Dumeng Jann, orientescha chi füss bun da tour per mans divers püts in connex: l's tratta da fatschendas chi ston gnir evadas independent da la fusiun dals 6 cumüns. Il schef da planisaziun insembel cul manader tecnic faran ils pass necessaris consultond a l'uffzi chantunal ed al planisader.

### Pedella pella chasa cumünala / maternità e rimplazzamaint

Raffaella Calio ha stuvü schmetter da lavurar subit, causa problems culla gravidanza. Uschè bsogna quai subit d'ün rimplazzamaint e quel füss chattà illa persuna da seis hom, Francesco Antonio Lombardo, chi füss pront da surtour la lezcha.

Il cussagl va d'accord in chosa e destinesch'al manzunà sco pedel rimplazzant a medemmas kundiziuns sco a sia duonna Raffaella.

**792**

### **VARIA**

#### Sgüranza d'edifizis dal Chantun / dieta a Cuaira

Quella spordsch'üna diet'a las personas respunsablas dals cumüns per dumondas da sgürezza a regard dons elementars e da prevenziun da fö. Il tema da quella ais: „**Integrales Risikomanagement in Gemeinden**“. La data da quella ais in marcurdi, als 26 favrer 2014 a la HTW a Cuaira.

Il manader tecnic, Christian Poo, farà part a quella.

#### Rendaquint ameglioraziun da Sent e rapport da fusiun

Dumeng Jann fa qua duos dumondas, dimena:

- El vuol savair scha la somma da fr. 190'000.00 sco contribuziun vi da l'ouvra meglioraziun ais liad'al scopo, quai chi'd ais il cas e po gnir confermà. Uschè cula be plü la somma da fr. 560'000.00 e na quella da fr. 750'000.00. L'import vain pajà al cumün per cuvernar ils cuosts da la part cumünala.
- l'l rapport da fusiun d'eira gnü ventilà, cha davo la fusiun resultan entradas annualas implü pel nouv cumün da ca. fr. 1,3 miu., uossa nouv s'amuntan quellas be plü a ca. fr. 900'000.00. Andri Poo manzuna, cha quai saja güst, il motiv ais, chi's ha illa cumischiun da fusiun decis d'abolir la taxa per dons elementars sco eir da fixar l'imposta fundiaria sün 1,5%o invezza da sün 2%o, quai chi ha per consequenza d'üna reducziun da las entradas da ca. fr. 400'000.00.

L'actuar:  
Marco Fallet

Il Capo:  
Albert Mayer